

Na osnovu člana 18. stav (2) a u vezi sa članom 10a. stav (1) tačka f) Zakona o javnim nabavkama („Službeni glasnik BiH“, br. 39/14 i 59/22), Odluke o izuzeću od primjene Zakona o javnim nabavkama u postupku nabavke usluga dugoročnog unutrašnjeg kreditnog zaduženja Tuzlanskog kantona za potrebe finansiranja kapitalnih investicija odobrenih Programom javnih investicija Tuzlanskog kantona za period 2025-2027. godine i utvrđenih Budžetom Tuzlanskog kantona za 2025 godinu broj:071-11-34672/25 od 20.11.2025. godine i tačke III stav 1. Odluke o pokretanju postupka dugoročnog kreditnog zaduženja Tuzlanskog kantona broj:07/1-11-35232/25 od 27.11.2025. godine, Ministarstvo finansija Tuzlanskog kantona, objavljuje

JAVNI POZIV za nabavku dugoročnog kredita u iznosu 39.797.000,00 KM

I Kontekst i svrha

Budžetom Tuzlanskog kantona za 2025. godinu („Službene novine TK“, broj: 18/24,7/25 i 16/25), planirani su dugoročni primici od domaćeg unutrašnjeg zaduživanja za potrebe finansiranja kapitalnih investicija odobrenih Programom javnih investicija Tuzlanskog kantona za period 2025-2027. godine broj:02/1-11-17480-2/25 od 05.08.2025. godine utvrđenih Budžetom Tuzlanskog kantona za 2025 godinu na pozicijama: a) Općinskog suda u Lukavcu-potrošačka jedinica 15030006-kapitalna investicija-izgradnja zgrade Općinskog suda Lukavac, Ministarstva pravo, b) MUP TK-potrošačka jedinica 17010001-izgradnja zgrade Policijske uprave Živinice, c) Ministarstvo poljoprivrede, šumarstva i vodoprivrede-potrošačka jedinica 14010003-sredstva vodnih naknada- sufinansiranja Projekta vodosnabdijevanja južnog dijela grada Živinice i rekonstrukcije vodovodnih infrastruktura u gradovima i općinama Tuzlanskog kantona, d) Ministarstvo obrazovanja i nauke-potrošačka jedinica 24040001-Univerzitet u Tuzli- finansiranje izgradnje, adaptacije, opremanja i vanjskog uređenja Kampusu JU Univerziteta u Tuzli.

Slijedeći Budžet Tuzlanskog kantona za 2025. godinu, Zakon o izvršenju Budžeta Tuzlanskog kantona za 2025. godinu i Program javnih investicija Tuzlanskog kantona za period 2025-2027. godine, Ministarstvo finansija Tuzlanskog kantona (u daljem tekstu: Ministarstvo) ima namjeru planirano dugoročno unutrašnje zaduženje Tuzlanskog kantona provesti prema dinamici i obimu implementacije odobrenih investicija, putem javnog poziva.

II Predmet javnog poziva

Predmet ovog javnog poziva je nabavka dugoročnog unutrašnjeg kredita u iznosu od 39.797.000,00 KM od najpovoljnijeg ponuđača, na period 10 godina, za potrebe finansiranja kapitalnih investicija odobrenih Programom javnih investicija Tuzlanskog kantona za period 2025-2027. godine utvrđenih Budžetom Tuzlanskog kantona za 2025 godinu, kako je navedeno u tački I ovog javnog poziva, pod sljedećim uvjetima:

- Ponuđeni iznos kreditnih sredstava: 39.797.000,00 KM
- Period otplate: 10 godina
- Bez grace perioda,
- Nominalna kamatna stopa fiksna na godišnjem nivou- do 3,68 %,
- Jednokratna naknada za obradu kreditnog zahtjeva iskazana u procentu od iznosa ponude kreditnih sredstava- 0,25% jednokratno,
- Otplata kredita-mjesečna
- Vrsta instrumenata obezbjeđenja: 10 bjanko mjenica

Pravo učešća u postupku javne nabavke dugoročnog kredita imaju banke sa sjedištem u Bosni i Hercegovini koje imaju dozvolu za rad izdatu od Agencije za bankarstvo Federacije Bosne i Hercegovine ili Agencije za bankarstvo Republike Srpske.

III Sadržaj ponude

Ponuda mora biti dostavljena na memorandumu banke i obavezno sadržavati ponuđenu fiksnu kamatnu stopu na godišnjem nivou zaokruženu na dvije decimale, ime i prezime kontakt osobe, email i broj telefona kontakt osobe, rok valjanosti ponude koji ne može biti kraći od 20 dana od isteka roka za dostavu ponuda, te biti potpisana od strane ovlaštene osobe. Uz ponudu obavezno se prilažu sljedeći dokumenti:

1. Indikativni otplatni plan
Polazni elementi za izradu indikativnog plana otplate kredita su:
 - datum isplate kredita: 29.12.2025. godine
 - datum početka otplate kredita: 29.01.2026. godine
2. Nacrt Ugovora o kreditu ovjeren pečatom i potpisom ovlaštene osobe na svakoj stranici nacrtu ugovora,
3. Dozvola za rad izdata od Agencije za bankarstvo Federacije Bosne i Hercegovine ili Agencije za bankarstvo Republike Srpske i ista mora biti dostavljena u originalu ili kopiji ovjerenom kod notara ne starijoj od tri (3) mjeseca.
4. Ovjereni Izjava koja čini sastavni dio javnog poziva

Obrazac Izjave i nacrt Ugovora može se preuzeti na web stranici Ministarstva finansija ili u prostorijama Ministarstva finansija na adresi navedenoj u javnom pozivu,

III Način podnošenja ponuda

Ponude se dostavljaju u pisanom obliku na memorandumu banke u zatvorenoj koverti putem pošte ili neposredno na Protokol Ministarstva, na adresu: Ministarstvo finansija Tuzlanskog kantona, Turalibegova br. 40, 75000 Tuzla, sa naznakom „NE OTVARATI - Ponuda po javnom pozivu za nabavku dugoročnog kredita“) s nazivom ponuđača i to najkasnije do 05.12.2025. godine do 12:00 sati. Ponude primljene nakon isteka roka određenog za prijem ponuda neotvorene se vraćaju ponuđaču.

Javno otvaranje i čitanje ponuda obaviti će se 05.12.2025. godine u 13:00 sati, u prostorijama Ministarstva (sala), Turalibegova br.40, Tuzla. Ponuđači ili njihovi predstavnici, kao i sve druge zainteresovane osobe mogu prisustvovati otvaranju ponuda.

IV Kriterij za odabir ponuda

Kriterij za odabir ponuda: Najniža kamatna stopa.

Ukoliko budu dostavljene dvije ili više ponuda sa istom najnižom kamatnom stopom, prednost će se dati ponuđaču čija je ponuda zaprimljena ranije.

Sa ponuđačem čija ponuda bude prihvaćena kao najpovoljnija Ministarstvo će pregovarati o ugovoru o kreditu u kojem će se utvrditi međusobna prava i obaveze. Zaključivanje ugovora o kreditu uvjetovano je donošenjem posebne odluke Vlade Tuzlanskog kantona o zaduženju i dobijanjem prethodne saglasnosti Federalnog ministarstva finansija/financija.

IV Ostale informacije

Ovaj javni poziv ne stvara obavezu Ministarstvu da prihvati bilo koju ponudu. Ministarstvo zadržava pravo da prihvati ili odbije bilo koju ili sve ponude, bez pisanog obrazloženja.

Bilo koje pitanje vezano za ovaj javni poziv treba da se dostavi putem emaila na sljedeću adresu **anels@tk.kim.ba**

Javni oglas se objavljuje u dnevnim novinama „Dnevni avaz“ i „Večernji list“, kao i na web stranici Ministarstva: **minfintk.ba**

Broj:07/1-11-35245/25
Tuzla,27.11.2025. godine

MINISTAR
Suad Mustajbašić,dipl.ecc.